



18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

吉430

890

卯 6





十二視齋金石過眼錄卷十六

儀徵汪鋆



宋一

錢忠懿王墓誌銘

碑高二尺九寸廣二尺九寸
正書五十三行行五十二字

大宋故安時鎮國崇文耀武宣德守道中正功臣武勝
軍節度鄧州管內觀察使置等使開府儀同三司口太
師尚書令兼中書令口口節鄧州諸軍事鄧州刺史上
柱國鄧王食邑九万七千戶食實封壹萬陸仟玖伯戶
賜劔履上殿書詔不名追封秦國王墓誌銘 并口

金紫光祿大夫行鴻臚卿上柱國邯鄲縣開

國伯食邑百戶慎 知禮 撰 鄧王府

都押衙兼知表□□□ 守臣

代天之工必崇高而啓其緒成物之務惟光大以垂其式戴 元后總群牧開國承家守宗廟祭祀者崇

高而有之秉聰明正□□偉也綏中國遏四夷興義撥乱息生民戰伐者光大而有之達進退存亡其難乎粵若高明不濟駿極上昇玄黃其□□涓□凝□□身而及諸人發于家而顯于國致代天之用用而克濟宣成物之任任而有終迹賁丹青聲融金石者得之於

□朝矣 王諱侁字文德彭城人也唐季不

嗣 我烈祖武肅王啓五諸侯霸式遏寇虐世位

以德 我顯考文穆王率士連帥□股勞王家有

志四方克開厥後勲顯矣盟府存焉 王以立賢之義

而嗣基以稽古之訓而爲政非六籍不任非五常不履

叙人倫□教化詩以導其源申典故發訓誓書以體其

要共祭祀分告凶禮以通其變和神祇平風俗樂以中

其節動靜施舍不離聖賢之域者易以幾其道損益制

度不忘諸侯之職者春秋以守其法服膺而行則罔弗

詳備惟仁執心以義應物禮持慎脩之柄智懸廣照之

流信以恒之美全用也率性而動固威克終始雖服色
正朔回夏而每殊於沿革禮樂征伐專

周靡變於艱難專征方國績戎 祖考脩車馬繕甲兵
克勤小物用戒戎作四郊之備有嚴于外養民力謹邦
賦回地之利任土作貢三壤之共有勤于上勝殘去殺
累仁恩於百年保大之功啓

明聖於千

載

太祖神德皇帝有舜玄德續周

鴻緒威懷廣運

光

靈躬響顧

我早攀

鱗翼溶合江河之順遠傾肝膈

皎如日月之臨元子奉於贊生大夫旋於

庭實將順

匪懈同寅用光

朝饗叙班爵命申錫則推

乃

睠皆越維常緇衣二世將賴武公之力朱旗兩鎮是命
伯禽爲後九服之異焉四國無擬者繇是 南面專委

東夏開寶甲戌中江淮拒召帷幄議兵有事于戈 錫

我鈇鉞 王祗承

天旨肅將

帝威樓櫓合而足以長驅鉦

錫嚴而先之大誦方叔代鼓整六師而東下小白齊車
載遷主而西計敷用七德七德有常勤脩百役百役咸
舉時雨相慶捷月屢成金既聲而敵奔刃不血而兵戢
降王啓封於安樂勲臣議爵於靈臺既橐武庫之兵始

展

明堂之覲一之見 太陽照爲慶色再之會湛露酌爲
華滋心朗德融 禮尊事極頌太師無窮問魯道有光

策相國第一功漢章斯舉

詔就國耿駟駟之

未久會同軌泣攀

龍之不廻

今聖上五讓績於

慶基三揖迪於古訓駿奔萬

里 象魏在朝山龍煥容雲天需樂入則 伯舅以均

禮出則師老以聯恩

朝廷於是尊賢 搢紳有以觀 德迹諸體望軼彼古

今 王惟日光華在辰 文思當二無外者三代之化

有道者萬方所歸藩輔固而寰宇甯車書通而天地一

舉千乘之重請藉有司炳 三台之明願拱

宸極于再于三而伏奏拜手稽首以昌言

詔曰錫山土田啓國淮海 王其輔我子也建侯獻地

何慚於隴西從家誠喜於閔內禮之異數史不絕書寒

暑推移雨露優渥熇蕭配祀郊報屢嚴行葦厚賢并賦

滋廣 王處盛彌儉守溢惟

冲以疾罷朝以告珎攝恭德自懼爰居匪宣則曰大元

帥之任人臣本於綏難明天子之育黎獻方務止戈西

土既甯竇憲不開於將幕 北辰已正子儀亦解於

兵符表廢置之權述

昇平之遇畢於克讓三乃曰

俞汚漢南邦其稱甚偉茅土錫祚移命益尊自誠而明者寅畏之深利有攸往者優適之美南陽故土近地疏封讓國重表於穰中爵王兼陟於許下卧龍之野荒龜即都小大成和文武是式三推

帝藉展慶

華戎一字 王封即真樊鄧至於文昌之總百揆紫微之受萬機時叙二司 具瞻三紀方將道合

軒問禮贊 乾封垂憲言於辟雍颺康歌於 衢室福善虛應道疾彌時

降單軌之侍鑿飛二星之 中使交馳驛路咫尺

帝音

君臣之間始卒厚矣嗚呼動靜相倚吉

凶靡常徒致請於幣玉終有摧於棟梁彼元化之溥

溥此人事之淒涼端拱元年秋八月二十四日薨于府

署享年六十

皇帝聞哀徹懸悼往出涕 尊伊之設華冕表霍之用

黃腸誅行於素旃追終於玉冊 特詔輟視朝七日遣

大中大夫尚書工部侍郎郭贄持削冊命追封秦國王

太常考謚日出懿中常侍臨奠恤哀大行人備物護葬

申命 賁近以專總督喪所給者 詔加等馬孟冬十

一日 啓柩於鄧牆柳歸載萋萋野色耆艾攀擁哀哀

路音二十有五日館喪于京師之東墅越二年正月十五日葬於河南府洛陽縣賢相鄉陶公里禮也
妃孫氏賢爲女師化被王國先朝肆覲后事

錫命冊妃之典自王而始祿鞠方茂瑤華先秋繼室以楚國夫人俞氏子八人嗣安遠軍節度使開府儀

同三司檢校太師兼中書令蕭國公惟溶性受天和美存世濟文武一府侍膝爲海內之榮忠孝一家匪

躬存天下之式生盡其養喪過平哀次鎮國軍節度使特進檢校太師惟治發揮符采含吐英華殿大邦

於雙油廣崇教於二戟次濰州團練使惟渲次昭州

刺史惟顯次武衛將軍惟潛次從釋法名淨照次衙內都指揮使惟演次衙內指揮使惟濟善有餘裕秀發其華友于閨門見孔懷之兄弟達於邦國知必大之子孫女七人長適河東裴祚次適錢塘元象宗次適汝南慎從吉次適故富春孫誦早亡次適富春孫誘餘則笄年而猶室震皆苴麻泣血藥棘變容生而知之禮無違者

王稟奇骨之峻削受正性於恬愉體貌肅如神氣穆若語默存道動靜求仁靡尚豫遊頗遵儉素愛人善愈於已詒聞人過率以情恕推誠於下擢才不疑儒雅

自勤名教胥樂百家窮覽六義研機載笑載言成本事
實曰興曰比動即編聯所著詩爲政本集亦志在其中
矣六書異體五射名法必有所尚皆造其微 思輔仁
壽之化願尊天竺之教浮休內達惻隱兼濟魚鱉不友
草木恐傷終乎不自荒寧以克永世大矣哉當 王位
崇高以聰明正直盡人臣之能事洎 王功光大以進
退存亡服 聖人之格言得不謂盡善盡美於斯者乎
洪惟 武肅王克慎厥始 文穆王克和厥中洎 王
克成厥終 三后叶心四方是則語忠臣孝子者百世
可知也烏呼哀哉清洛旁注碧嵩遙峙丘壠前後雲樹

迤邐風旆酸骨方曉疑霜顛斷魂兮夕起吊千古方謂
何嘆九原方已矣若夫世族之始命官之次則總列於
廟碑具存於 國史約 莫京之德恭述叙
焉申無愧之辭泣爲銘爾銘曰

諸侯有士 孰爲尊主 表率鷹揚 我祖之武

庶邦冢君 孰爲世勳 奉成燕翼 我宗之文

以賢爲嗣 文武不墜 政刑交脩 干戈有備

惟聖建中 車書大同 玉帛奉職 圭瓚饗功

將命徂征 問儀請覲 光大成績 周旋履順

五瑞既輯 萬方載會 君子知微 聖人無外

全吳之墟 賦千乘車 獻爲內地 恭乎顯諸

南鄧之野 錫五色社 往即新邦 寵之優也

煌煌紫垣 三台拆裂 莪莪明堂 一柱摧折

君恩天地 臣心日月 存亡跡均 哀榮事絕

有國有家 芳世烈輝光 乃相乃侯 芳慶祚靈長

身委道 芳終萬化 葬備物 芳形四方 世茲域 芳

泰筮有常

垂斯文 芳德音不忘 誌曰 孝之墓者 有秦國王

右宋封錢忠懿王墓誌銘 王諱俶 本名宏 俶以避宋

宣祖諱去宏 字俶 爲文穆王佐第九子 宋開寶七年

冬十月 授俶東南面招討制置使 即誌所謂江淮扼

召帷幄 議兵有事干戈 錫我鈇鉞 是也 俶進兵次常

州 親率軍攻牙城 敗江南軍 尋拔呂城 又敗援兵 江

南大將盧絳霄遁 告捷於宋 宋太祖本紀 開寶九年

二月 吳越國王錢俶 偕子惟濬等 朝於崇德殿 賜鞍

馬 遂以禮賢宅居之 未幾 還國 太宗本紀 太平興國

三年 五月 俶以兩浙上獻 乃改封爲淮海國王 以及

王弟子 皆封進 有差 宰相而下 拜官二千五百人 雍

熙元年 又改封爲漢南國王 端拱元年 徙川鄧 王誌

皆叙及 而未特書淮海漢南等號 俶即以是年八月

十一碑全存並錄 卷之十六
薨按與宋史十國春秋皆合誌云輟朝七日遣大中
大夫尚書工部侍郎郭贄冊命追封秦國王謚曰忠
懿與十國春秋同而太宗本紀未書二年葬於洛陽
縣賢相鄉陶公里而十國春秋則曰賢相里陶公原
也誌書王妃及諸王子封爵少異當以碑爲正誌爲
慎知禮所撰書者名闕十國春秋所編王蹟甚詳惟
少誌中所載封漢南王一詔書耳宜據誌補入碑之
能益史者此也慎知禮宋史傳謂幼好學年十八獻
書於俶署校書郎旋掌書記太平興國三年從俶入
朝歸授鴻臚卿誌前所署當是仕俶朝之銜與宋史

異碑以撤作撤

先天太后贊

碑高一丈廣五尺正書
二十一行行四十二字

先天太后贊

并序

御製御書并篆額

若夫元氣本无尚存其祖高皇至大亦有其先斯蓋本
於自然生乎太極 靈斯所始雖表異而何詳人理
攸同諒顯親而斯尚洪惟

教父首此

聖階降迹於

清都炳靈於歷代時隱時

見如彼應龍或聞或章同茲杲日爰自太皞訖于宗周
或居世而含真或賓天而戢影仰觀神化雖明无方俯

協人倫○將有自所以感流星而受氣指仙李而○生
居楚國之靈封宅厲鄉之名壤七十二載乃剖腋而見
形二百餘年常守藏而混俗及夫指流沙而高蹈悟可
化者胡人度峭函而逆○得先覺者關令七百篇之法
所以役使鬼神五千言之經所以適宣道德百世膺其
祜萬靈歸其真由是渦曲神區實存於恭館

皇○令典緬想於邃源懷顧復於厥初追劬勞於罔極
大明 聖善之德別建密清之進奉先天之名所以崇
徽○葺洞霄之宇所以法元都上以顯天經下以揚孝
道至於體凝寂之氣分柔順之情飛翔以彰神靜嘿以

疑性○止姜嫄履武編彼周篇含○吞珠存乎漢錄者
哉國家介祉 穹昊協德○神明政本於宿夷治歸
於清靜經天緯地

太祖搗金鉞而靖八紘返朴還淳

太宗調玉燭而

齊七政俾中國大夫○由至道之降康粵眇冲膺斯

命歷

元符申錫大禮紹成接

飈歛於禁闈○

福於寓○眷維景毫之耆舊象魏之搢紳○款謁之令

儀舉省方之舊典羽旄協吉遵夷路而屆途○致虔

奉精心而脩嘉薦○

淑靈於別宇想茂躅於前聞升彼帝車既傳於密記閱

茲 遺服尙□□ 高邱勵軋鞏之至誠□混茫之

鴻應金石之刻昭述於凝積億萬之祥永期於濬發贊

曰

老氏之德 協符 吳穹 李母之迹彰顯靈通仰居

霄極俯運丕功權輿至道資始真風式揚聖化用致時

雍、秘館穆、眸容和鑾順 轍圭璧致恭允祈多

福大庇區中儲靈不測昭感有融一刊樂石永耀琳宮

大中祥符七年正月二十二日

□仙書院奉
勅模勒上石

右先天太后贊孫星衍寰宇訪碑錄載其日碑在河

南鹿邑贊為真宗御撰御書按宋史真宗自瀘淵與

契丹盟後即事封禪信祥瑞至有降天書等事日惑

於元妙君臣上下如病狂然是以作奉神迷又刻大

中祥符頌步虛詞付道門至六年加上老子號曰太

上老君混元上德皇帝復作先天太后贊以頌老子

之母特此贊真宗本紀未書石本具在當不誣也碑

云時隱時見如彼應龍即本史記老子列傳所述引

子言老子其猶龍邪之語又云居楚國之靈封宅厲

鄉之名壤即列傳所謂老子者楚苦縣厲鄉曲仁里

人也又云七十一載乃剖腋而見形老子傳注引之

妙內篇云李母懷胎八十一載逍遙李樹下迺剖左

一石經金... 卷之十一
腋而生又云玄妙玉女夢流星入口而有娠七十二
年而生老子碑又云度嶠函而逆口得先覺者闕令
又云五千言之經所以適宜道德即列傳云老子見
思之衰迺遂去至關關令尹喜曰彊爲我著書於是
乃著書上下篇言道德之意五千餘言而去碑又云
奉先天之名所以崇徽號葺洞霄之宇所以法玄都
真宗本紀七年幸先天觀廣洞霄宮當謂此也蓋真
宗此贊上溯老子之母謂之先天太后所以推崇者
至極也史謂假神道設教弭鏡覲之心計亦未矣無
怪乎後帝以道君自號也碑文華書勢皆佳未知王

伯厚王海曾載入否也

樂記摩崖

碑標本八分書高廣行數
字數不可記字徑五六寸

君子曰禮樂不可斯須去身致樂以治心則易且子諒
之心油然而生矣易且子諒之心生則樂樂則安安則久
久則天天則神天則不言而信神則不怒而威致樂以
治心者也致則以致躬則莊敬莊敬則嚴威心中斯須
不和不樂而鄙詭之心入之矣外貌斯須不敬而易
慢之心入之矣故樂也者動於內者也禮也者動於外
者也樂極和禮極順內和而外順則民瞻其顏色而弗

與爭也望其容貌而民不生易隄爲故懿輝動於內而民莫不和聽理發諸外而民莫不如順故曰致禮樂之道舉而措之無難矣

右司馬光摩崖八分書樂記自君子曰起至無難矣止計一百九十八字無難矣上少天下二字其與原文異者碑致則以治躬原文作致禮以治躬史記作致禮以治躬者也多者也二字則說文法也禮運聖人作則又祭義明鬼神以爲黔首則按禮說文履也家語體也仲尼燕居禮者尊卑之差上下之制也禮之義與則之義似可通未見古本不知然否碑鄙詎

按說文作詎當是譌字德輝經典釋文作德輝措與錯同子諒韓詩外傳作慈良錢大昕金石文跋尾云司馬溫公書樂記一段在杭州南屏山又孫星衍寰宇訪碑錄又記有家人損盜良諸卦及中庸道不遠人一段皆以溫公書惟四水潛夫武林舊事則曰唐人摩崖後人於石旁刊司馬溫公書其實非公書也按中興小歷云紹興六年七月上論司馬光字畫端勁如其爲人又十月丙辰上謂宰執曰司馬光隸字真是漢人近時米芾輩所不可髣髴又黃山谷云溫公正書不甚善而隸法端勁似其爲人觀此則可信

爲溫公書獨四水潛夫以爲非者何也

乳母任氏墓誌銘

碑高二尺八寸廣二尺正書十一行行十四字額橫書乳母任氏墓誌銘七字

趙郡蘇軾子瞻之乳母任氏名採蓮眉之眉山人父遂母李事

先夫人三十有五年工巧勤儉至老不衰乳亡姊八娘與軾養視軾之子邁迨過皆有恩勞從軾官子杭密徐湖謫于黃元豐三年八月壬寅卒于黃之臨臬亭享年七十有二月壬午葬于黃之東阜黃岡縣之北銘曰生有以養之不必其子也死有以葬之不必其里也我

祭其從與享之其魂氣無不之也

右坡公乳母任氏墓誌銘爲公自撰自書誌謂既事

公母太夫人三十五年及其哀也又與公諸子有恩

勞凡公所官之處皆隨之元豐三年公謫於黃而任遂卒於黃之臨臬亭按施元之所編年譜亦云元豐

三年八月乳母王氏卒於臨臬亭與誌合惟任譌以

王耳又公有與潘彥明書云東坡甚煩葺治乳媪墳

亦蒙留意感戴不可言則是公不遺其故如此公集

亦載其文竝無譌謬是碑孫星衍寰宇訪碑錄載其

目云明人翻刻本惟誌云軾官子杭密徐湖當是官

于杭密徐湖想是刻者之譌

樊敏碑陰

上列八分書十
四行行十字

書雅州廬山縣樊侯碑陰

立傳魏受禪碑爲絕出而此乃建安十季所立又在黃
初之前雖暴露山墊而字法奇古其文尚可讀更非所
同僻遠而人無知者口然而千餘歲間霖雨之所曝石
獸已倒石闌已摧而此碑將仆良可恨也余因扶其既
倒植其將仆又爲屋以庇之庶幾永其傳也崇寧壬午
三月既望承議郎□□□眉山邱常□

又

此刻在前刻下截止
書十四行行十二字

皇上勵精更化以揚

祖宗之大烈屬當西京父老流涕太息思欲復見漢宮
威儀之時而僕仕於廬山天下幾口魁迺得建安十年
巴郡太守樊君故碑於荒山榛莽間亟作大屋覆其上
表而出之目其顏曰復見是爲

聖天子恢復中原之兆觀者宜有取焉嗚呼碑陰所記
崇寧壬午距今五十八年而令斯邑者皆眉山人扶倒
植仆偶相似然豈物之廢興固自有數耶紹興己卯秋

九月眉山程勤懋傳書

右樊敏碑陰二跋刻原石之背皆宋人一為崇寧元年邱常口所撰一為紹興二十九年程懋傳所書兩君皆以碑為建安古刻均作屋底之邱君但惜其碑將仆扶植而後建屋以蔽風雨是愛古之深溢於楮墨若程君則以此碑卜中興之券觀其顏屋之名曰復見其望恢復之意及欲觀漢官儀之心不大可見哉然兩君之遭際不同故所述各異要皆有益於是碑今世所傳漢刻甚夥而顧亭林先生獨謂此碑為濁惡其他或以為贗鼎或以為翻本者蓋以書勢不如韓勅衡方之雍容揖讓故耳惜此碑陰拓本罕見故其聚訟紛紜茲為揭出具見宋人略無疑議且為之珍重保護如是後人復何言哉

渠州漢車騎將軍勅

碑高一尺一寸廣一尺正書二十四行行十四字至五六字不等

勅渠州漢車騎將軍

又加封惠應王告牒

渠州濟遠廟應民公

右可特封惠應王

勅朕每務推仁政以育群生而所不能必者水旱之來

故誠信以交神神保是格則雨暘以時應求而至民不
敢薄神之賜願無以報則告於有邦君子朕惟有土之
守與民同休歲則敬聽其言錫神之號勝封列爵冠服
之儀秩以命數所以荅揚神休而丐神之終惠也惟神
其亦不幽其靈以對寵命以助予仁民愛物之改可依
前件

崇寧三年九月二十六日

中書令

中書侍郎臣吳 居厚宣奉

中書舍人臣劉 正夫行

奉

勅如右朕到奉行

崇寧三年九月二十七日

侍中

司空兼門下侍郎 京

門下侍郎 挺之

漢車騎將軍馮緄碑後刻濟遠馮將軍舊碑後序爲

張稟文任忠亮所書略曰馮公靈迹異効渠人受賜

爲日久矣獨墓銘不知所在稟自崇寧改元守渠即

謁神祠凡有禱祀無不立應嗣郡進士李權趙甫或

得其碑於史君鄉南陽村字書髣髴可辨自得碑後
年穀屢豐爰列其神異以聞而茲勅乃允其請並加
封惠應王特宋史徽宗本紀未載其事至勅後諸職
官均與史合崇寧二年八月以吳居厚為中書侍郎
趙挺之為門下侍郎惟劉正夫傳崇寧初為起居舍
人司空兼門下侍郎京則蔡京也但碑列中書令侍
中下皆闕無姓名疑此勅當是重刻本特與馮緄碑
後序照合因著錄焉

夾山寺鐘款

款二條高一尺五寸廣三寸正書一
行行十四字橫書皇帝萬歲四篆書

皇

帝

歲

歲

澧州夾山靈泉禪院眾緣鑄造永元

常住 宋大觀三年己丑歲五月初四

右鐘款在石門夾山寺拓本為陸星棨觀察所贈按

顧祖禹方輿紀要夾山在石門縣東南二十里而王

象之輿地紀勝無之大觀為徽宗二次改元年號按

東坡志林云東坡初赴惠州過峽山寺未知是此夾

山否

陳氏之殤墓誌

碑高一尺廣一尺正
書十一行行十二字

陳氏中殤曰寂之字通夫其先眉州青神人後徙居葉
故爲汝州葉人曾祖希世贈職方員外郎祖諭職方員
外郎父綱隱德不仕通夫生而聰悟九歲能通論語孟
子毛詩不幸年十三而死實元符元年六月十三日以
政和七年四月十二日其兄寧之等乃舉其喪葬於河
南府壽安縣龔澗里先人之墓左謹誌

右陳氏殤墓誌陳姓名寂之九歲能通論語孟子毛


詩以元符元年六月十三日殤年僅十三是誌書殤

蓋本說文曰不成人也按廣雅釋詁年十九至十六

爲長殤十五至十二爲中殤此子亡年十三書殤者

甚合經訓葬於河南府壽安縣按壽安即今之宜陽

縣治



十二硯齋金石過眼錄卷之十六終

十二硯齋金石過眼錄卷十七

儀徵汪鋈硯山

宋

巖頭寺題名

碑高二尺二寸廣二尺四寸正書四行行十一字

銀青光祿大夫隴西郡公李綱自道城如崇陽中路宿巖頭寺爲目之曰寶陁巖男宗之從行建炎戊申六月初九日

按宋史高宗本紀建炎元年八月用張浚言罷李綱左僕射十一月貶李綱居鄂州碑云戊申是二年六

月正綱貶鄂時也自道城如崇陽道城疑是通城之
誤巖頭寺王象之輿地紀勝鄂州景物下謂巖頭山
在崇陽西四十五里山高二百丈有岩二一日羅漢
一日寶陀舊經唐全齋禪師居之碑謂寶陀巖卽其
地也碑後有嘉泰癸亥題三絕句未錄是本厲鳧庵
方伯所藏跋之如右

清涼居士題名

碑高一尺五寸廣二尺

二寸正書八行行六字

紹興十二年清涼居士韓世忠因過靈隱登覽形勝得
舊基建新亭榜名翠微以爲游息之所待好事者二月

五日男彥直書

按高宗本紀世忠罷於紹興十一年十月名題於次
年三月正跨驢携酒奚童從游湖上時也王有南鄉
子詞題翠微亭卽其地也彥直爲王長男字溫生六
歲從父見高宗命作大字稱旨親解孝宗卮角之襦
傅其首十二年登第二十一年王薨時彥直官至刑
部侍郎而勅王碑稱時官戶部尙書大中大夫延水
縣開國伯與傅大異何也書勢得魯公神似不媿名
父子也此刻它書未載道光間僧達受撥得之

新學門銘

碑高四尺八寸廣二尺六寸正書十一
行行二十一字額題新學門銘四篆書

宋紹興甲戌冬十有二月永州學南門成太守廬陵彭
侯所建也太守視民以身以

王事爲家事政治既舉又思有以教化之得蜀文翁禮
殿繪像本使工次第摹寫堂上勵士子以儀刑之學復
建斯門闢壅塞導勝氣氣象偉甚學舍廚廡從而易新
示勸之意厚矣宜銘之詞曰

人不知學莫適提身學而不行不學爲均行之伊行惟
一惟誠孝弟忠信本之於心成之於性守之以仁日積
月化粹然其醕可以格天可以感神可以正物可以化
人發爲詞章德人之文施於政事君子之名其道甚大
與天地并凡爾爲士勿替之勤欽之勉之無愧此門

特進提舉江州太平興國宮和國公張浚撰并書

門生右朝請大夫知永州軍州主管學士兼

管內勸農營田事彭合立石并篆額

右新學門銘張浚撰並書按宋史高宗本紀紹興十

六年張浚上疏論時事貶連州二十年八月量移永

州二十五年九月秦檜死十二月復張浚等官按碑

書紹興甲戌是二十四年冬十二月永州學南門成

浚撰并書正浚居永州時事也浚門生彭合知永州

軍故浚爲書撰銘文筆書勢雙佳宜朱子爲撰墓碑也此銘諸著錄家皆未見陸星麓觀察贈茲拓本乃得著焉

太學上舍題名序

碑高一尺廣三尺六寸前正書二十三行行十一字後系姓名六行再後篆書十五行行十字

崇寧三年太學上舍題名序

谷稽古

神考以聰明淵懿之資慨然恢復成周之治以樂育人材爲先務故於熙寧紀元肇新三舍之法垂三千年于茲矣於錄

皇帝聖學日躋獨冠百王之上拳拳業業維繼述是念

即國之郊崇建辟廡又頒教法于天下郡縣所在學館

一新紛袍肄業雲集響應崇寧三年十一月四日

躬幸太學取論之之士十有六人官之堂下諸恩賜有

若焉禮行俄頃之間風動四海之外儒生之榮古未有

也臣等親逢

聖日得預茲選其爲幸會何可勝言輒鏤版刊石記其

姓名以德

上之賜且爲子口世世之光華豈不休哉

- 鄭南
- 程振
- 口口
- 劉嗣明
- 吳揆
- 趙熙

崔璠 張綽 方聞 李會 戴頤 葉祖義

江致平 林徽之 喬孝純 胡尚文 以上正書

神宗皇帝以經術造士始於熙寧之初當時欲遂放三舍天下未暇也

徽宗益新四書季考之法崇寧三年首命太學上舍生賜第者十六人蓋經術之興至是

三朝矣而得人此其選也由是政和翰林學士劉公實
在選中後五十口公之子襄通口口州願刻之石以紀
其盛於是乎書紹興廿年三月左太中大夫提舉江州
太平興國宮承州居任臣汪藻書 以上篆書

右太學題名碑孫星衍寰宇訪碑錄標其目謂在承

州碑前楷書題名序後列鄭南等十六人名姓內惟

程振劉嗣明宋史有傳嗣明埒劉曷傳程振傳謂振

字伯玉饒州樂平人未冠游太學張商英等皆器之

徽宗幸太學拔以高第游至吏部侍郎以忤王黼左

遷除開封尹會虜邀天子幸其營求金不已振被命

督輸與梅執禮等同死之碑為劉嗣明之子所立按

神宗本紀熙寧四年罷詞賦科以經術取士又徽宗

本紀亦於崇寧三年詔諸路州軍未置學處并置學

養士十一月幸太學辟雍悉與史合碑前楷後篆為

汪藻所書藻字彥章高宗踐祚詔試中書舍人紹興
中言者以藻嘗爲蔡京王黼之客奪取居永州正在
其地碑爲謫居時所書也書勢妍妙宜董史皇宋書
錄載其名焉

陸游焦山摩崖

碑高三尺三寸廣六尺
正書十三行行六字

陸務觀何德器

張玉仲韓無欲

隆興甲申閏月

廿九日踏雪觀

陸鶴銘置酒上

方烽火未息望

風檣戰艦在煙

靄間慨然盡醉

薄晚泛舟自甘

露寺以歸

明年二月壬午園禪

師刻之石務觀書

嘉熙二年十一月晦

右陸游焦山摩崖題名隆興甲申是孝宗建元之次

年閏月二十九日閏月是閏十一月碑云踏雪觀瘞
鶴銘正此時也上方烽火未息是時知楚州魏勝與
金人戰死之楚州濠州滁州連陷碑云烽火未息當
指此也明年二月壬午圍禪師刻之石明年是改元
乾道元年按宋史陸游傳孝宗即位遷樞密院編修
官時龍大淵曾覲用事游以淵覲招權植黨爲樞臣
張燾言燾入奏上詰語所自来以游對上怒出游通
判建康意游題名焦山正此時也韓無咎游集中有
次韻無咎別後見寄詩有幾行零落僧窗字未知似
謂此否碑末刻嘉熙二年十一月晦既非勒石年月
又非重到再題且去隆興七十五年游卒於嘉定二
年其時游故已數十年此行當後人所書無疑

宋三公石

石高一尺一寸廣
九寸正書兩行

口熙十

三公石

嘉慶丙寅予過揚州新城準提菴僧舍經二郎廟蔬
圃見有破古石井闌似有字痕洗拓之乃口熙十口
三公石口數字熙字之上不完似是涓字蓋宋以熙
爲年號踰十年者在揚惟信熙耳十字下似是年字

爰移置準提菴東廂內并記之丁卯秋日 肇經室二

集

沅州黔陽縣重修縣治記

碑高四尺五寸廣二尺三寸
正書二十二行行三十九字

縣吏之長曰令令長之治曰寺所以宣德意字吾民初
無小大遐邇之間也黔陽秦黔中郡唐天寶初更名黔
江五季叛亂不入版圖 國朝熙寧間五溪蠻平復置
隸沅州官寺草創規撫隘陋為令者視為荒僻之邦類
不屑意然山川之傑特土壤之沃美物植之滋茂率頡
頑湖左諸邑况風俗僕靜人士秀發陶染王化垂百五

十餘年是亦中州清淑之口所旁薄者詎可以蠻荆舊

習鄙夷之哉寶慶元年春昭武饒侯 敏學 來以學而為

政因俗以行化民既安之口晚治所聽宇墮落棧楹腐

敗左支右撐達于門廡乃喟然曰地雖褊百里號令之

所從出誠若是過者生悞於勢詘矣其何以見吏民耶

前乎此者頂背相望豈憚於改作而不屑於為與抑拘

於用嗇而不足於為與何朝斯夕斯而邈未之顧也或

謂裨謀謀野而獲宓氏彈琴而治令長之政有在此而

不在彼者吁民社重寄苟借是以自解則怠忽之念萌

吾所恃以振起紀綱皆弛懈弗立矣倘孰從而論政哉

居數月歲豐人和公家事簡究見利病喚工靈材成謀自我或仍其舊或撤而新鼓樓峻整門閤深嚴脩廊繩直易茨以瓦有庫有廩吏舍獄戶各有其所高明爽塏一旦改觀關東西爲兩燕室榜以雙絕絃歌侯復念惟社有壇壝學有宮室風化所關邑之先務社委郊闕之外無尺椽庇風雨即邑治東置壇設主仍作齋聽以奉祀事學雖屹立祠廟僅存自講堂齋廡自櫺星悉力經營以厲士氣蓋侯平易近民是役之興用其餘力豪髮無擾竹木材石無不樂與官爲市者乃鳩餘材翔寶山道院爲士夫往來惕息之所復立盍簪澄練兩亭爲迎送之地至於境內郵傳祠宇悉更新之街衢亦發以石縣圃榛翳已久鉏薙而疏理之芟製有亭通村有徑松莊有廬卉木之嘉泉石之勝胷中丘壑隨所高下而區以別松莊之後又建社倉列規畫備先具大抵不專爲遊觀設也閱明年冬潰成暇日與賓寮登覽其上顧而謂之費不侈力不勞而功緒沆濟者固非疆人以所不欲而遂我之所必欲向若疑沮於或者之說不過補苴罅漏翫愒歲月委之而去他奚暇恤焉雖然天下之事不患於難成而患於志之不立志立矣又病於學之不充學貴於有用仕以行其學古之人所以能大其官者

學優而仕侯學承於家仕方再調有志立事事立而人不知一轉移之無廢不舉不待家撫戶曉俾民知所趨嚮是豈膠轄簿書期會者可與同日而語也邑人謁記不復辨因以發候之志云耳紹定改元夏五迪功郎元州州學教授東嘉翁永年記鄉貢進士單銓書

右紹定元年重修黔陽縣治記爲陸星楚觀察所贈碑云國朝熙寧間五溪蠻平按宋史神宗本紀熙寧冬十月章惇平懿洽州蠻東都事略惇傳熙寧中察訪湖襄用兵於是溪洞拓數百里當是此事碑云復置沅州本紀云云七年置沅州地理志亦云元豐三

年併鎮江砦人戶入黔江城爲黔陽縣與王象之輿地紀勝所引宋會要同記爲沅州教授翁永年撰鄉貢進士單詮書記文雅具廬陵筆意書亦秀整可觀記中曷字疑是曼字變文正譌云即導字

嘉熙井闢題字

刻高八寸廣六寸
正書三行行五字

皇宋嘉熙肆年庚子至節壽昌沙門法基

右井在今甘泉縣治新城黃家園子宅園內按揚州府志今之新城即宋大城之東南隅宋時此井當在城外題曰沙門當是寺院之井郡志無考嘉熙是宋

理宗四次改元年號同治七年汪鋈按得之一

鐵梢款

款高八寸廣一尺二寸正書
六行行四五字不等字徑寸

淳祐五年

拾貳月吉日

孟府十位

鑄到鐵梢

壹樣貳隻

各重壹仟斤

右鐵梢款拓本爲陸星麓觀察所贈按沈筠堂洞庭

湖志古蹟門謂鐵桶在君山崇聖寺岳州舊志宋建

炎間金人焚寺兵退無一存者止存孟府鐵桶二又

明張元怵巴陵遊覽記云僧引觀寺中古鐵器考之

年月多五代時物或云西蜀孟昶所遺又陶文毅公

澗登君山記云崇勝寺僧堂下列鐵梢二各重千斤

按雜記孟昶以八寶鼎獻馬希範馬以賜君山僧豈

其遺耶但梢背有文曰淳祐五年孟府十位造淳祐

爲宋理宗年號時孟珙方鎮襄陽去此未遠其爲所

造無疑

沅州黔陽縣登科題名

碑高四尺二寸廣二尺一寸作兩截刻均正書上二
十四行行十六字下二十四行行十九字十七字不
等

沅楚地也自春秋歷漢隋唐更置不常迨我

朝熙豐間復定州立邑而黔陽屬龍標舊境山明水秀
代產奇英貞興之歲其預計借者視鄰邑尤盛至擢進
士第盧則開先焉學宮在縣治西南隅昔以敷教扁講
堂額文篆而刻畫不楮歲久而丹青已蠹漶祐壬子予
以墨綬來與諸友講貫其間思以明倫堂更之籌諸衆
眾曰三山林君元晉彛誕生茲邑篤叙雅好守辰陽日
遠遺三大字久欲揭而未能更之亦眾志也迺於是年

冬命工鐫刻壯改舊觀時捧鄉書赴南宮者一人而舒
夢桂果奏凱捷遂爲龍標破荒豈非學校者賢士之所
關氣數既回盛時鼎至寶肇端發祥於斯額更新之後
乎或曰士之達有時得有命於扁額之更不更無繫也
然古今人才較之何優江山旺氣發之何奇不自先不
自後恰際其逢若合符券繫云乎哉不繫云乎哉予喜
而就爲立石以題名于堂之側繼自今掇拾巍第拖青
曳紫者裾聯袂續又當大書不一書若夫鋪揚

聖朝得人之盛歸美賢侯勸駕之功刻勒三邑登科姓
字則自有郡□□□□□□甲寅郡庠雁塔在岢寶祐

甲寅登高前一日邑令東家薛舉巖記

碑下截

舒夢桂

兩圍江水薄城闌地僻民稀俗化淳暫止熊羆
消大暑秋深雲合殄妖塵

旌旗十萬壓城闌矍鑠將軍智略新蠢尔洞猥
殲滅盡捷書馳報馬揚塵

征夫鼓角定晨昏細柳嚴明令具存擒盡渠魁
歸上府魯從先已宥

皇恩

殘暑炎蒸苦不禁 來伏盡尙相侵祝融何事
專權甚不放新涼爽客襟

臨戰鑄兵機失晚羨魚結網智尤癡英豪若隱
平蠻策特展長才美香爲

麟足傷殘遇世哀

孔宣嗟悼出非時陽消陰長皆天理一任豺狼
滿路岐

近因洞賊作耗逆犯

王師奉

命分省勦捕予忝居其幕自辰沅東下至黔陽時維

大暑軍卒疫痢故暫憩是邑秋夜偶成七言
六絕以俟同志諸君一笑云至正八年歲次
戊子秋七月中旬朝散大夫湖廣詩劇行中
書省左右司員外郎朱守諒題左右司典史
文望書後行張政進士文鈞黔陽縣儒學教
諭徐祐立

右黔陽縣登科記拓本爲陸星麓觀察所贈碑云三
山林君元晉曩誕生茲邑宋史林勳傳勳賀州人政
和五年進士建炎三年獻本政書按賀州宋屬廣南
東路與黔陽隔別似非其人然碑又云守辰陽攷後

漢書郡國志泰昭王置黔中郡或勳官於黔陽而非
誕於黔陽又按勳字元晉字義本有關合或即其人
歟碑謂元晉遺三大字於是年鐫刻吐改舊觀時捧
書赴南宮者一人而舒夢桂果奏凱捷按理宗本紀
寶祐元年五月賜禮部進士姚勉以下及第舒夢桂
之登科當在是年邑令薛舉巖遂於秋九月作記碑
下截刻舒夢桂隨王師作幕復至黔陽絕句六首未
記年月是刻繫元至正八年其去舒夢桂登科時將
近百年矣迨至元朱守諒等題刻而黔陽教諭徐祐
乃立石云

宜州鐵城記

碑高一丈廣五尺五寸正書二十行
行三十八字篆書宜州鐵城記橫列

嶺右自淳佑以來傳雲南有韃患朝廷重我南鄙移
師成之今大帥賢文胡公時曰鄉官轉對

上前獨請遣戍非經久之策當如唐李德裕籌邊故事
按山川道里擇險築城以扼其阻上雖下其議未果
行也寶佑甲寅秋前聞復棘上思公言乃命經略一
道公至閱履封以宜當西南夷間道必能干城者可是
虎符得武經大夫雲侯拱守之侯詣帥府受約束公曰
性事七有備無患耳昔佛狸未寇元嘉時盱眙守沈瑛

以郡居要衝繕城浚隍上下皆謂過計及魏兵南向所
至赤地而大將臧質獨藉璞城以挫虜往事明驗可見
已今震于其鄰獨不當爲徹桑計虜侯奉命惟謹至宜
顧城陋不足恃則經營詎郡式里而近有山環遶皆峭
壁懸厓內可容萬竈飛泉石井取汲不竭侯熟視嘆曰
陁險無踰此矣亟聞于公公以聞廟坐得旨以幣
百萬下之郡鳩工計材發石畚土因山之勢聯絡而城
之周遭一千八百餘丈爲牆櫺如爲門翼如悉與山相
繆山之前下瞰龍江後倚大河四面形勝屹然完成口
金衝肉薄無所施也凡州縣治寨舍糗糧器械備積之

所咸脩而侯未以民遷姑徙附邑宜山治隸焉然宜民
知保生聚者亦莫不適有居用永地于茲新城又以見
侯之是役非獨地利人和從可知矣役始于乙卯季春
之望訖於仲冬之朔指授規畫侯必船必親其董而相
之者罷從事鍾罄文學掾林均清之節度推官顏得遇
也城成以其砌疊皆石乃名鐵城圖上帥府竇文公命
應德記之夫王公設險以守其國地不能自爲險也設
險則人力存焉重門擊柝以待暴客爲暴者不必有也
而待吾有以待之易而民用豈我厚言今互得侯保障
重門設險豈特無唇齒憂彼竊伏草莽俟時觀釁者將

不復作噫亦意造物者設是久而有待於侯之來也亦
意南方當無狄患而侯之遂築斯城也侯關表老将熟
更戰守自領罷後閱丁壯治戈甲明斥埃結蕃鄰爲宜
備無不周城其大可書者伐柯匪斧所以成侯之役者
誰與胡公名頴字叔獻長沙人文武伯也今又被命入
奏是歲日長至奉議郎通判靜江軍府兼管内勸農事
借緋黃應德記岳麓何應王書奉議郎 特差充廣南
西路經略安撫司參議官楊堃篆蓋

右寶祐乙卯宜州鐵城記拓本爲張丹叔太守所藏
按宋史地理志慶遠府下本宜州龍水郡熙寧八年

以懷遠思立一砦改爲宜山縣屬廣南西路碑云嶺
右自淳祐以來傳雲南有韃患理宗本紀淳祐三年
四川制司言大元兵破大安軍大安宋屬利州五年
大元兵入蜀又白傅才率衆復洋州遇大元兵交戰
將士皆陣沒洋州宋屬利州寶祐元年大元兵渡漢
江屯萬州入西柳關萬州宋屬夔州即廣東瓊州碑
所云淳祐以來寇患當指此碑云朝廷重我南鄙移
師戍之大帥寶文胡公以鄉官轉對上前欲如李德
裕籌邊築城以扼其阻未果行寶祐甲寅前閏復棘
或因元兵屯萬州之故乃命一道公至閱履封以宜
當西南夷又嘗震於其鄰又得武經大夫雲拱守之
顧宜城陋乃度詎郡二里之山築城城砌疊皆石乃
名鐵城雲聞於胡胡上其事得旨以幣百萬下之役
始於乙卯季春成於仲冬其事不爲渺小何以史無
一言及之獨是理宗淳祐以來書築城之役甚夥淳
祐三年詔施州創築郡城及關隘六十餘所又四年
余玠言利閬城大獲山蓬州城營山渠州城大梁平
嘉定城舊治瀘州城神臂山六年詔賈似道置淮西
山砦城築十年賈似道言王登築江陵城濠有勞十
二年詔追叙城渝功復承議郎寶祐二城東海三年

復廣陵堡城獨宜州鐵城未書史宜堦碑補入胡公
名頴字叔獻雲拱碑稱關表老將史均未載其人碑
爲奉議郎靜江軍通判黃應德所撰岳麓何應王所
書而篆蓋則安撫司參議官楊挺也碑是字未詳

宜州鐵城頌

碑高九尺四寸廣六尺正書二十行
行三十八字正書宜州鐵城頌橫列

恭惟我 宋聖作明述上同堯舜代天子民無間遠邇
肆我 皇上家視天下比以朝紳之議論制閭之申明
皆謂韃警雲南而西廣首當其衝旣 命寶文胡公爲
帥復以宜當西南夷問道 特命總管雲公出守斯土

爲保障計公 自帥府寶文公授以籌邊方略設險守
國以爲經久之規公奉 命惟謹始入郡觀郡城之東
龍江之北四面石壁環遶且襟山帶河有關中百二形
勝遂聞于寶文公轉聞于 朝得 旨以幣百萬建爲
鐵城其成也不資屋宇之覆蓋不勞後人之葺理其堅
如鐵之不可擊而破其高如天之不可階而升新舊之
異殆霄壤焉外夷聞風且將褫其魄而奪之氣矣尙何
幹腹之慮哉其保衛宜民資與天地相爲久長故四民
同爲之頌刊諸鐵城石崖以紀其無窮之績云頌曰
惟天惠民惟辟奉天惟臣承辟于蕃于宣 明明天子

不我退弃 親命帥臣經略西事永惟宜陽外控西夷
居廣之衝實為藩籬蠢爾狂蕩謀幹吾腹天子曰吁保
障誰屬迺眷 西顧疇咨虎臣帥臣迺言雲公其人

天子曰俞俾鎮斯土安邊立功外禦其侮公拜稽首曰
往欽哉徒御暉暉惠然肯來自公來宜奉 命悉力孰
觀地形設險守國迺經迺營回山為城石壁回環屹然
天成雙流森森如帶斯遠維石巖巖角立岸表諸關宏
修高無與儔內容萬竈外控咽喉四面如鐵形勝卓絕
車不得馳騎不得列牢不可破險不可夷雖有賁育勇
無所施迺立府庫儲材積粟細柳分屯兵食俱足復用

石工鑿井于中山下出泉源源不窮重城外維下瞰淵
水東西對峙摩空玉壘郡邑既遷廨宇森嚴民居雲集
接棟連簷道更坦履其直如矢懋遷有無日中為市猗
歟我公盡心竭忠指授規畫必親必躬賢哉長慕暨郡
文學同我倅車贊籌帷幄以衛宜民民咸賴之按堵樂
業春臺熙熙虜人聞風心寒股慄屏迹而遁邊境寧謐
宜山峩峩龍水湯湯鐵城之功山高水長四民交歡磨
崖刊頌億萬斯年永戴我

宋寶祐四年三月吉日刊

石宜州鐵城頌無撰書人姓字覽其文筆書勢仍是

前碑撰書人手筆且是一時之事不復再贅

杜工部墓碣

碣高七寸廣二尺七寸正
書四行行二字字徑四寸

有唐工部杜公之墓

景定癸亥夏孟

縣令王禾立石

右杜公部墓碣在耒陽縣拓本爲陸星麓觀察所贈
按舊唐書文苑傳永泰二年甫陷牛肉白酒一夕而
卒於耒陽元和中宗武子嗣業自耒陽遷甫柩歸葬
於偃師縣西北首陽山之前又元稹杜甫墓誌銘云

扁舟下荆楚間竟以寓卒旅殯岳陽誌又云適遇子
美之孫嗣業啟子美之柩襄祔事於偃師按以上兩
說則杜甫卒於耒陽而遷葬於偃師耒陽似無杜甫
之墓王象之輿地紀勝引寰宇記謂甫墓在耒陽縣
北三里唐詩紀事裴說韓持國皆有過杜甫墳詩又
皇朝類苑云杜甫終耒陽藁葬之而鄭文寶謫官衡
州有經耒陽子美墓詩豈但爲誌而不克遷或以遷
而故塚尙存耶按象之此說是耒陽有甫墓宜縣令
王禾題碣以表之景定爲宋理宗八次改元年號

泗州禪院新建泗州殿記殘字

石高一尺至六七寸廣乙尺三寸正書十行行十一字至七寸

泗州禪院新建泗州殿記

中古西方之人也始於周漢

尊佛像要在人瞻之仰之速

道之不同所化八也於戲

之設得其粹焉有僧伽

三十六化嘗之淮甸行

皇帝遣洪州高安縣

其中矣故得鈍根

基址微陋而居者

此地精舍一新奈

右泗州禪院新建泗州殿記殘石為儀徵阮文達公

所藏并題拓本之首曰宋泗州禪院新建泗州殿記

十一字下有夢花過眼圖記蓋文達公精於考證謂

此碑為宋物當必有所見

心經殘字

石高四尺廣二尺正書三行七字至四字字徑七寸

色聲香味觸

界無無明亦無無

無苦集滅

石心經殘石在焦山松寮閣廳左壁間接盧見曾焦山志心經石刻一片為寺僧明湛所嵌此碑下截八行存江中石上可識者般無有諸佛多是大苦真說咒曰睹敬書十六字按董史皇宋書錄謂吳琚字居父工扁榜鄂渚有壓雲二大字鎮江甘露寺天下第一江山五字亦其所書初疑米老書及得谷中錄始知為琚所書也又董其昌畫禪室隨筆云吳琚書自米南宮外一步不窺信乎琚固習米書者也按宋史經籍志有雲壑集為吳琚所撰惜沒江中十六字未見其與此書一手不敢臆定

十一硯齋金石過眼錄卷十八

儀徵汪鋈硯山

元

雷塘龍王廟碑記

碑高四尺寬二尺五寸正書篆額題曰重建雷塘昭佑王廟之記

重建雷塘昭佑王廟之記

惟揚全淮之甲郡也郡面北相距十五里有塘曰雷塘或曰陂或曰波波即陂陂即塘也唐貞觀間引塘水溉田民獲其利大和間決塘水成田民得其耕唐末迄于宋瀦水以備漕運積而成洲其深不可蠡測時之清明

也日光搖曳水波不興瑩□□下□□碧時之陰晦也
翳空雲霧拍岸水聲倏然雷□□□解質其所以然蓋
有□□蟄于其中因祠于塘北封之曰昭佑王是郡值
□長□□下請水設雩禱雨其應如響郡人歲時歲祀
而不敢忘兵革之□□有存□

皇元混一區□□□已亥□□□東宣慰合于一仍
隸于揚命中書□□□□□□□而行司事撫治
全淮公元勲世家碩德重望式副□□□歲□□□□
□□□□詢于衆有以雷塘請水告公從□□□□同
知□□翰文□□□□□□□率僚屬詣塘請水焚香

拜手祠下□□□字傾頽廟□□□□□□□□□□
□之冀其感應之速耳未幾果如其□庸是消吉興□
□□□石一□□□□□工役樂從其事以治中馬
居仁仍釐務而董□□□□竟□明年庚□□□少
雨螟騰肆□公齋戒禁屠復遵典故貯塘□置諸寺□
□誠意□□不五月間大雨蘇旱一月凡七農悅于野
民悅于市官吏得□追其責萬□一辭咸感龍之靈公
之德繇是工役轉嚴秋八月初□□字落成正殿六楹
門六楹環堵約三十五丈有奇塑像□□兩旁繪□雨
部□入之像公設牲醴妥靈于祠惓惓冀神惠於無窮

淮民何其幸歟揚州路儒學教授馬允中用撫其實而
爲之記題蓋并書

大口辛丑四月吉日監工許□□提控林□□知
事劉□□經歷張□□

承務郎推官馬□□蕭□□從仕郎判官劉

奉直大夫治中馬□居仁□□奉政大夫同知

正議大夫揚州路總管兼管內勸農事移刺□慶堅

昭毅大將軍揚州路總管府達魯花赤兼管內勸農

□事□孛蘭奚□等立□

右元大德五年辛丑昭毅大將軍揚州路總管府達

魯花赤兼管內勸農事孛蘭奚等重修宋龍王廟之
碑也雷塘在唐宋爲巨浸以其立都雍豫江淮轉運
當入泗汴瀦水濟漕故也元用海運而塘水尙存明
漕于燕不恃塘水仇鸞等乃洩水開阡陌矣元讀碑
有感於靈蹟數百年究不可沒乃以墓廬三楹立座
設龍王象庶使邨民歲時有所禱祀以濟旱暵立其
碑於庭之南而記其略于碑陰嗚乎王氏者明大宦
毀爲墓值矣余四世祖武德將軍以明末葬于邨之
東北曾祖祖考三世祔葬焉今余獲神碑而復神祀
禮也碑載龍有降雨之靈宋封昭佑王元代混一區

字合淮東官慰司隸于揚命中書缺行可事撫治全

淮公元勳世家碩德重望式副缺巳亥庚子禱雨皆

應八月廟落成殿六楹門六楹環堵三十五丈中塑

象旁繪兩部象揚州路儒學教授馬允中撰文并書

辛丑四月立碑同官者正議大夫揚州路總管兼管

內勸農事移刺慶堅奉政大夫治中馬居仁奉政大

夫同知□□推官馬蕭判官劉知事劉經歷張提控

林監工許其列銜李蘭奚居右之首行移刺慶堅等

以次左之蓋用元國書右行法也官制與元史皆合

惟李蘭奚以中書行司事官揚州于史無徵元史列

傳卷十八卷二十卷二十一各李蘭奚者凡三人考

其官蹟年代似皆不合移刺慶堅等亦皆不見于史

蓋此李蘭奚為史所失載之人也 學經室集

大報國園通寺記

碑高八尺廣三尺五寸正書二十四行行四十三字篆額書大報國園通寺之記

大報國園通寺記

翰林學士承旨榮祿大夫知制誥兼脩國史

趙孟頫撰并書

推忠揆義協謀佐運功臣開府儀同三司太尉上

柱國附馬都尉潘王王璋篆額

余嘗以道德扣諸老宿乃曰道何物耶依之而心脩從之而理順德何物耶布之而利博積之而行圓返斯二者則聖賢不取焉伽藍者著明道德之大宅也而竺聖人曰圓覺而爲之充三際徧十虛貫一心成萬德故在處僧伽藍與天地相爲始終者無他蓋道德之自任也嘉定州在吳郡之東南百里形勢平夷早潮暮汐風颿浪舶樓臺市井今古鬱然大報國園通寺際州治之東北相距咫尺開山沙門明了族高氏壯年極賦塵氛禮杭州般若寺住持愚叟賢公難染至元丙戌手鋤備翳浩然有開拓之志經營既廢材力相稱廣堂邃宇宛若化成大德己亥春欽奉

璽書賜園通爲額越七年丙午入

觀明年丁未冬

武宗皇帝加賜今額錫妙明圓悟佛心之號及欽受今上潛邸賜旨護持至皇慶壬子造物欲大其規制一夕祝融卷入無何明年癸丑奮志興脩昔定之向方竭匠氏之智取東山之材圻塲陶冶百尔咸臻延祐丙辰復奉

旨加賜妙明圓悟普濟佛心大禪師之號感

恩優異思報無所三閱暑寒諸祿悉脩重明突兀口殿

崢嶸庫院僧堂儼從地涌鍾樓絰閣飛跂雲端庖福廩之整嚴廊廡寮舍之深靚朱楹瑩礎雜影如林金像寶鬘交光若經師資授受甲乙相承復建大吉祥皇慶寺於州治之北可二里命淨行沙門十六負歲脩法華長期繩繩觀室井井禪龕魚鼓燈香幻成淨土又建大資福壽寧尼寺於州治之東南隅蒼松古檜碧砌朱甍六窓自虛纖塵不到兩寺顛末具在別記奚財力之可臻必顛行而乃萃曉磬鳴而象龍集夜禪起而聲色空真風扇有漏之塵覺花開無影之樹締搆之功什既八九延祐己未建大佛寶閣九間于園通寺後曇華萬朶開敷其中金色光明照心奪目二寺瞻衆之土厚薄悉書碑陰遠持事狀請記以文余聞園通大士從聞思脩以至成就不思議無作妙德其尋聲感應如鏡照鏡豈有爲功用所能比哉吾儒所謂寂然不動感而遂通之謂也佛書以道德爲園通之因園通即道德所證之果也繼繼於百世之下者苟知道德之可從則園通未嘗不久且大矣余何言哉是歲十月之望當寺住持沙門明了立石

右大報國園通寺記寺在嘉定縣治東北不數十步元時沙門明了所建大德己亥春賜額園通丁未冬

武宗加賜今額明了號了堂俗姓高氏武宗賜號妙明圓悟佛心禪師仁宗加賜妙明圓悟普濟佛心大禪師城北大吉祥皇慶寺城東南大資福壽甯尼寺亦其所建也予少讀書城東數遊斯寺摩挲趙松雪碑輒移時不去元仁宗稱松雪旁通佛老之旨造詣元微讀記文信然書法圓勁則松雪本色也篆額者爲高麗國王王璋其署銜云推忠揆義協謀佐運功臣開府儀同三司太尉上柱國駙馬都尉潘王攷璋以至大三年封潘王延祐二年請傳位於世子暲詔授暲開府儀同三司潘王碑立於元祐六年璋猶稱

潘王者暲雖潘王之封而王印猶在璋所至泰定二年璋卒暲乃襲爵受印元史諸王表云潘王王暲泰定三年以駙馬襲封可見延祐之世璋爲潘王如故矣元史高麗傳失書璋封潘王事又誤作章皆疎外之甚也

潛研堂金石文跋尾

江東宣慰使珊竹公神道碑

碑高八尺七寸廣四尺二寸正書二十四行行七十六字額篆書有元故中奉大夫江東道宣慰使珊竹公神道碑銘

有元故中奉大夫江東宣慰使珊竹公神道碑銘 并序
集賢大學士榮祿大夫姚燧撰

中順大夫揚州路泰州尹兼勸農事趙孟頫書并篆額

推采其世與

國國家同源而殊流者珊竹氏其一可系則自圖魯華
察以豪傑驍果服其部族名爲拔突生烏也而以開國
功官金紫光祿大夫北京兵馬都元帥生撒里妣夫人
張敬之讀書世金紫爲北京等路都達魯花赤留後強
諸侯恃其險反

大帝禦之罷諸侯之世其土者官昭勇移河間等路總
管兼諸軍奧魯管內勸農事生公諱拔不忽幼師李康
伯成童入侍

裕宗東宮一日賜問占對當旨

令歸卒業時故翰林學士周止方參北京宣撫司議公
遊其門命之吾爲若講授者皆聖賢性理格言而猶以
國言□不可更曰介字仲清中統三年同知北京轉運
司事□□池□□□不煩□勞前政禁民盜食及干之
者罪沒其家惟□海鹽以鬻民收其征□公請□等是
道戶□而無□之均賦其課永不失額□□□鹽海鹽
從民雜食一境利安其年校功實最他道官武節金符
又二年官奉政凡貳曹六年其年陞朝列遷尹濮州至

則便施弊除民胥偷樂暇則新廟學舉李和之爲師公
退萃羣吏受學以口口口筐篋之習恂恂口逢掖然用
兵襄陽

詔籍民以濟師公抽田丁中者遣備戎行人無尤言焉
時憲司初立部使至郡率曰珊瑚竹俟所爲事有乖義者
耶何庸鉤稽其書徑越去廷臣以口爲漕而課入羨復
遣爲貳公辭曰吾先世無治賦者旣一爲之理不可再
廷臣以

成命難於中格遂行無幾時改平灤路揔管虎符明年
官嘉議江南浙西道提刑按察使時宋平財二年杭其
故都自北而吏此者莫不化其奢淫劾黜浙西宣慰使
恚口伯上海揔管呂謙貪黷非度獲華亭亂首唐思月
引出將斬或以不請而專殺不可公曰殺一人而生千
百人何憚不爲或

朝廷見咎能身任之不以相及竟尸之市羣黨散亡事
聞甚爲

大帝所嘉十八年改江北淮東提刑按察使楚之監州
木少里凡民稱貸其家責償不足則爲木鞞錮其足夏
日諸庭冬則口關空室冰口地以苦之人目爲閻羅劾
上其事廢棄口身後召入爲刑曹尙書復無幾時官中

奉出爲江東宣慰使一年以病目去家真揚間爲諸子
擇師初延孔顏孟三族教授張顛再延今國子監丞吳
澄朝夕聞其誦說遂致知義理之學而篤行之身履如
是脩之於家事□□其子恭□諸弟以愛輯婣里以睦
至大之元冬十月廿有八日疾作支持憑几弟子跽受
其言吾事親事君不敢不服勤者汝曹身之年六十四
而死非天所甚悲者委九齡之母身先朝露而使□□
□□尙何言哉□□□□□□□□□□□□□□□□□□
□□□□□□未旣也□□庇予予□□□其平時貫業
四子各善守之無訟而爲人嗤鄙第一孫婦盛年而□

無子其歸父母家遂絕嗣日而蘇良已則置酒高□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
識者□別□□百石以給奉賓弟五
子病癘其加賜楮緡五千蜀岡土腴子預爲地矣不□
他塋塋無納金玉于匱壙築□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
已也越五日辛酉寤蜀岡義城里太夫
人鮮卑氏七子公爲之冢拔忽帶管軍揔管拔忽潛德
拔都魯□□□□□□□□□□□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□

二石卷五石道山金
卷之十八
一
□□□□□□捻管史楮女三子珊竹帶承務河揚州真
滁通泰等處屯田打捕提舉司達魯花赤阿臘鐵木而
同知宜興州□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
非君姑太夫人在堂必日至城一問安焉用生何爲若
欲與同穴者聞者莫不嗚咽以爲益足悲於□□□□□
□□□□□□□□□□□□□□□□□□□□□□□□□□□□
一子□□僉江北淮西道廉訪司事男孫八人嘉興牛
兒三寶卜鄰吉帶鐵木兒卜□吉祥奴也速荅而牛前
卒女孫四一適平章政

□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
述墓碑嗚乎燧尙以□觚誅故人耶然以冊年交舊義
不可以衰謝拒回槩而言衆所其惜謂公不疾瘵席其
先德□秩二品積是廿年疆場□□□□□□□□□□□□
□□□□□□□□□□□□□□□□□□□□□□□□□□□□
名臣若有不難爲者而遽已哉固爲
知言非使得志乎是世之仕優而得者幾人求以先王
之道日溉胷中尊聞而仕其知脩作潔義樂天以終吾
身則有□□□□□□□□□□□□□□□□□□□□□□□□
無得莫不大相□□乎哉□其令妻壽母既多慶祉有

足匹□□□銘曰

觀人之道不於其通而於其窮始卒概公其通如何尚
論其世源遠未分天宗之自公祖裔孫華胄之承從我
聖武金源是膺略地於營於焉開國傳甫一世於瀛以
沒公其孫子治賦長民與夫持憲在在有聞何天窮之
俾晝作夜歸休於家不自逸暇孰爲善士我禮以延俾
橫遺經聖謨日宜匪資口耳責以身履俛勉周旋動必
循禮天實窮之通不在人人定勝天此語益真素位而
行忘憂以樂古之先民處變不怍顧言琅琅即死所藏
魂無不之何必舊鄉垂絕不亂足徵學力詩刊蜀岡來
者是式

宣授承務郎揚州真滌通泰等處屯田打捕提舉司

達魯花赤珊瑚竹口

承務郎同知常州路宜興

州事阿臘鐵木而

奉訓大夫僉准西江北道肅政廉訪司事拔辰口

立石

四明莫紹之模勒鐫字

右江東宣慰使珊瑚竹奉神道碑集賢大學士榮祿大

夫姚燧撰文中順大夫揚州路泰州事兼勸農事趙

孟頫書并篆額珊瑚竹公者北京兵馬都元帥吾也而

之孫名拔不忽其師周正方更名之曰介而以仲清

字之初任同知北京轉運司事累遷濮州尹平灤路
總管江南浙西道提刑按察使江北淮東道提刑按
察使召爲刑部尙書復除江東宣慰使以病目去家
真揚間延名儒張頌吳澄教其子至大元年十月卒
元史吾也而傳失載其名故具錄之史作吾也而碑
作烏也而姚燧撰制詞作烏野而其子雪禮碑作撒
里譯音無定字也趙子昂以至大二年七月除揚州
路泰州尹明年十月拜翰林侍讀學士此碑之立當
在至大二三年間潛研堂金石文字跋尾

特祀西鎮碑

碑高二尺六寸廣一尺一寸
正書三十三行行三十三字

大元特祀西鎮之碑

鳳翔府儒學教授莫勝 撰

聖天子嗣登大寶于茲七年三光全寒暑平五穀熟人
民阜湛恩汪濊普天率土之義安仁及草木動植飛潛
之感若唯西州斗絕一隅地道失恒延祐丁巳秋秦山
摧裂小民震駭

帝聞之 睿心測然爰命大臣開府儀同三司太傅御
史大夫伯忽中奉大夫中書省參知政事王桂大長春
宮道教代真人王道亨遠賫香丹昭禱于

西鎮成德永靖王之祠冬十一月十九日至口下時輔
行則有宣武將軍尙供總管吉利入太傅府通事教化
的譯史忽刺哈失宣使阿兒思蘭御史臺譯史脫歡宣
使教化的中書掾姚義勝蒙古必闌赤月錫帖木兒大
長春宮提點袁道粹揚道真等莫不同寅協恭齋宿而
後詰朝行事牲幣潔蠲儀文兼備三奠禮成神歆明德
西土懽騰咸知朝廷一視同仁不鄙遐荒今小有災虞
上頌

宸慮何勤如之口帝堯之清問下民周文之惠鮮鰥寡
不是過也欽惟

皇上聰明齊聖卓冠古今出入起居動遵禮法調一元燮
理左右得人可以參天地之化裁成萬物之宜和氣致
祥禎瑞類應奚爲而泰山失寧尙或見於今日蓋天心
簡棺默啓 嘉運所以動其憂勤之心優其入聖之域
福祿由是而申錫其業愈致其延長故洪水昏墊不免
於唐虞之際旱乾鼎雉迭見於商宗盛時此理之常無
足異也况二相皆省嘉重望口至備詢民瘼平反獄訟
神人以和山川以甯實萬世無疆之休千載罕逢之典
漢中道憲成忽都察奉直等對揚

休命請刻堅珉以托久永勝不敏承乏岐學職當紀述

謹以管窺蠡測據實而略叙本末云

延祐四年歲次丁巳十二月癸丑廿有六日戊午

本廟提點賜紫仁和虛一大師張德祥等建

從仕郎隴州判官李時敏

吏目呂復 吏揚仲文

奉議大夫隴州知州兼管本州諸軍奧魯

勸農事賈幹魯思台書丹并題額 立石

武德將軍隴州達魯花赤兼管本州諸軍

奧魯勸農事阿黑伯 鳳鳴道人湯固成

刊

右元祐四年特祀西鎮碑文為鳳翔府教授莫勝撰

隴州知事賈幹魯思台書碑云延祐秋丁巳秋秦山

摧裂小民震駭帝命大臣開府儀同三司太傅御史

大夫伯忽中奉大夫中書省參知政事王桂大長春

宮教代真人王道亨遠貢香冊昭禱於西鎮永靖王

祠按元史仁宗本紀元祐四年十月遣御史大夫伯

忽參知政事王桂祭陝西嶽鎮名山賑恤秦州被災

之民碑與史合碑又有輔行宣武將軍等七八人元

史僅脫歡一人有傳而未載陪事西嶽之事是史家

之遺漏也碑以秦作秦文筆書勢均屬可觀孫星衍

寰宇訪碑錄未載碑在陝西不知何以著錄家皆遺之

顯靈義勇武安英濟王碑

碑高二尺八寸廣一尺六寸正書十九行行二十九字篆額題顯靈義勇武安英濟王碑

集賢待制承事郎馮子振撰

大丈夫忠憤不酬於尺寸而廟食滂沛於九州功名不留於須臾而義烈感慨於千古長河之北大江之南陋之而偏州迂之而僻縣枵然數十家之聚輒哀金券地畚土伐木甯鷄衣百結不敢虛丹艘於雲長之祀事甯蝸涎一角不敢乏牲酒於雲長之畝官矧夫大邦劇邑

人物充斥之鄉乎四百年赤帝之璽睥睨於一旦徼倖之姦凶劉表無意於中原劉虞殞命於幽朔卯金刀之僅縣其一縷之墜緒於樓桑大耳之哀宗雲長奮起河東與玄德遇自尔周旋艱險投間抵隙之會未嘗不身親其間識者謂馘顏良於白馬之圍不如破孟德於赤壁之鬪爭魯肅於益陽之瀨不如降于禁於襄陽之攻業勲垂成貉夏為厄有志之士蓋深悲之嗚呼劉玄德展轉於公孫羈縻於呂布栖遲於袁紹進無容足之地退無寄跡之穴四方響應之初附乍合乍散乍奔乍衄殆不知其幾矣而雲長不肯輒去去輒復返古所謂主

十一碑金不遇具金 卷之十一
在與在生亡與王者耶人世間梗、櫛、之夫後雲長
千數百載所以願爲之執鞭不慕王之翦敵萬人不慕
王之雄視百代不慕王能塊土裂三分之漢鼎不慕王
能赤手擎一面之荊州其拳、向雲長之心特以其當
賊於九州之地已有其七之時技窮力殫獨不忍背棄
流離顛沛之玄德爾彼張翼德亦若是也英魄凜凜雖
死猶生廣陵之城隍西廡舊構祠殿祀雲長甚謹予是
以掇拾王之生平衷素如是遂併書之

天曆二年中秋淮東道宣慰使

右天曆二年顯靈義勇武安英濟王碑在揚州舊城

三元巷武廟內据雍正江都縣志謂碑馮子振撰文
蘇昌齡作起句趙孟頫書名之曰三絕按元史儒學
傳馮子振攸州人於天下書無所不記其爲文事料
醜郁律之法度未免乖刺蘇昌齡元史無傳即顧嗣
立元詩選亦未見其人元史趙孟頫傳武宗朝除集
賢直閣學士儒學選舉至大二年遷泰州尹仁宗在
東宮素知其名即位即除集賢學士三年拜翰林學
士承旨榮祿大夫至元元年英宗即其家俾寫孝經
據此則孟頫俱官京秩而爲泰州尹又非奉定致和
之間此碑未知書於何時何地且此碑文筆書勢皆

不謂佳特揚州之古刻以是託爲奇耳

學生回文鏡

鏡徑三寸銘篆書
十六字回環互讀

光輪承熙即耀湛迪長明恒持廣照萬歷

又一行 學生回文

又双行 壬寅秋秉忠製

右鏡鼻鈕圖一老鳳一雛鳳間篆文十字外篆文十

六字迴環讀之成回言銘三十二首按鏡爲劉文貞

公故物文貞事元世祖三十年小心慎密其陰陽術

數之精卜事如響考壬寅爲宋理宗淳佑二年蒙古

后乃馬貞稱制庚申景定元年世祖即位建元中統

五年蒙古入都於燕從文貞請也又七年辛未蒙古

至元八年改國爲元取乾元之義亦文貞請也又三

年甲戌文貞卒年五十九歲製此鏡時文貞年二十

七蓋初起武夷山時也按元史劉秉忠字仲晦初名


侃其先端州人世仕遼族曾大父仕金爲邢州節度

副使因家焉秉忠仕至光祿大夫位太保參領中書

省事卒贈太傅封趙國公謚文貞成宗贈太師謚文

正仁廟追封常山王有文集十卷自號長春散人云

商城揚鐸跋



十二種寶金石過眼錄卷之十八終

